



MOHAMAD SHAHROL ROSTAM (lima dari kanan) menerima sumbangan daripada Universiti Malaysia Pahang sempena Ramadan di PPRT Jaya Gading, Kuantan, Pahang, semalam. - UTUSAN/MAHATHIR ALI

2 beradik cari barang terpakai bantu ibu

(UTUSAN DALAM NEGERI) m/s 25

26 JUN 2015

dah puasa dengan lebih sempurna.

Mohamad Shahrol turut memanjatkan rasa syukur dan berterima kasih kepada UMP kerana memilih keluarganya sebagai penerima sumbangan tersebut.

Sementara itu, Pengarah Pusat Islam dan Pembangunan Insan (Pimpin) UMP, Dr. Mahyuddin Ismail berkata, melalui program Jejak Asnaf Fakir Miskin, pihaknya akan membantu 11 keluarga di sekitar Kampung Pandan, Cenderawasih, Gudang Rasau, Sri Damai dan Jaya Gading di sini.

"Program ini memberi peluang dalam kalangan warga universiti untuk turun padang menghulurkan sumbangan barang keperluan seperti makanan dan pakaian.

"Segala persiapan diselaraskan menerusi Jawatankuasa Kebajikan di Pejabat Pendaftar dengan digerakkan pihak Persatuan Wanita UMP (Matahari)," katanya.

Oleh ZAMZURINA AHMAD
zamzurina.ahmad@gmail.com

■ KUANTAN 25 JUN

KETIKA rakan seusia sibuk dengan kehidupan sebagai pelajar, dua beradik dari Jaya Gading di sini pula terpaksa mencari tin dan barang terpakai untuk dijual demi mendapatkan sesuap nasi.

Itu rutin harian dilalui Mohamad Shahrol Rostam, 17, dan adiknya, Mohamad Khairul, 11, bagi membantu ibu mereka mencari wang selepas kematian bapa tiga tahun lalu.

Mohamad Shahrol yang juga anak sulung daripada enam beradik berkata, dia terpaksa berhenti sekolah semasa di tingkatan dua selepas bapanya meninggal dunia kerana mahu membantu ibu, Sharifah Noraini Syed Yaman Aziz, 35, menyara keluarga.

"Saya dan adik terpaksa membantu ibu mencari tin minuman, kotak dan barang terpakai untuk dijual bagi membeli makanan. Mohamad Khairul masih bersekolah, kadang-kadang dia ikut saya melakukan kerja ini."

"Kami memperoleh kira-kira RM20 hingga RM30 sehari dengan menjual barang tersebut," katanya kepada pemberita di sini hari ini.

Mohamad Shahrol yang tinggal di Projek Perumahan Rakyat Termiskin (PPRT) Jaya Gading di sini merupakan antara 11 keluarga yang dikesan Universiti Malaysia Pahang (UMP) sempena program Jejak Asnaf Fakir Miskin sempena Ramadan tahun ini.

UMP mengambil inisiatif menjak golongan asnaf dalam usaha memasyarakatkan institusi pengajian tinggi awam (IPTA) itu dalam kalangan masyarakat terutama membantu mereka menjalani iba-